
Saksh.: Karina Nerland
Arkivsak: 12/2273

Arkiv: 130

Saksnr.: Utval
11/13 Sogn regionråd

Møtedato
26.04.2013

Sak 11/13

Regionalplan for Sogn regionråd 2013-2016 - strategiplan

Tilråding:

Sogn regionråd vedtek regionalplan for 2013-2016 strategidel slik den ligg føre.

Vedlegg:

Framlegg til regionalplan for Sogn regionråd 2013-2016 – strategidel

Saksutgreiing:

Gjeldande regionalplan er for 2009-2012, og arbeidet med å rullera planen starta ifjor. Regionalplanen med felles mål, strategiar og tiltak er eit verktøy i rådet sitt arbeid med å utvikla regionen. I denne planprosessen har vi hatt fokus på involvering blant folkevalde og aktuelle eksterne aktørar med arbeidsmøte i september og arbeidsgrupper i etterkant i oktober/november. Rådet har drøfta prosessen undervegs, og framdriftsplanen går fram i innleiinga i planen. Planen består av ein strategisk del og ein tiltaksdel. Det er lagt opp til at rådet handsamar strategisk del i dette møte og tiltaksdel i neste møte.

Regionalplanen for 2013-2016 (strategidelen) har vore på høyring i kommunane og til eksterne aktørar som deltok på arbeidsmøte. Innspela vart drøfta i ordførarsamlinga i byrjinga av april og er samla i vedlegget.

I vurderingane av innspela har administrasjonen vektlagt område som sterkast bidreg til å nå føremålet til Sogn regionråd, område som regionrådet har virkemiddel på og område som regionrådet kan påverka mest. - Føremålet til rådet er å vera ein felles arena med fokus på å sikra og vidareutvikla rammevilkåra for busetnad og næringsliv i regionen. Rådet skal også fungere som base for definerte prosjekt og vidare ha som mål å samordna og forenkla oppgåver for eigarane.

Følgjande endringar er teke inn:

I punkt 2 Regionale utfordringar er «oppretthalde folketal» endra til «auka folketal». Det er teke inn meir frå regional analysen til Telemarksforsking

Pkt 3.1, 3.2 og 3.3: Problemforståingane under kvart satsingsområde er vinkla meir positivt

Pkt 3.1.1 *Fylkesgrenser – kommunegrenser* : strategien er vinkla meir positivt

Pkt 3.1.3 *Nytenkning*: Ny strategi om å satsa på landbruk

Pkt 3.1.5 *Teknologi og industri*: Nye strategiar om å arbeida for modernisering i Årdal og teknologisk tenesteproduksjon

Pkt 3.1.6 *Tilflytting og rekruttering*: Teke med «sikra busetjing» i målformuleringa og «bulyst» og særleg arbeida mot studentane i strategien

Pkt 3.1.7 *Utdanning, skule og kompetanse*: Teke inn nye strategiar om færrast mogeleg hybelbuarar, vidareutvikla fordelane med at regionen har kompetansmiljø, styrka samarbeidet mellom regionen, næringsliv og høgare utdanning og kopla næringsliv og utdanningsinstitusjonane sterkare saman.

Pkt 3.2.1 *Samferdsle*: Endra til 45 minutt reisetid i målet. Nye strategiar som omhandlar vegutbetring/oppgradering av vegnettet, ferje- og busstilbod og breiband og at regionen må vera meir aktive overfor stat og fylkeskommune i samferdslesaker

Pkt 3.3. *Helse*: Teke inn “fylkesgrenser” i målet, “i Lærdal” er no med i strategien som i overskrifta og ny strategi om folkehelse.

Pkt 4 *Arbeidsform*: Teke med at rådet skal vera pådrivar i regionale saker.

Fleire av innspela som er komne inn er aktuelle å vurdera i tiltaksplanen som vil bli arbeidd med i tida framover. Arbeidsgruppene som rådet vel i dette møte drøftar aktuelle tiltak til tiltaksplan for 2013 før neste møte.

Vedlagt følgjer framlegg til regionalplan for 2013-2016.